

Kommune Qeqertalimmi Inuit Ataqatigiit, Siumut, Demokraatit, Atassullu siammasisumik ataatsimortumik anguniagassatut siunniusaat 2021-2025.

Kommune Qeqertalimmi eqaatsumik pitsaasumillu aqutsineq ingerlatissavarput

Kommune Qeqertalik aqutsinikkut nutaaliorsuq, allaffissornikkut aqutsineq pisariitsoq innuttaasunut qanilartoq peqataasitsisoq, saaffigiuminartorlu, kalaallit ileqqutsinnut kulturitsinnut naleqquttoq, nunarsuarmioqataanisinnillu peqataanermik ilisarnaatilimmik ineriartortitsinerput nangeqqissavarput.

Kommune Qeqertalimmi sullissisut pitsaasumik innuttaasunik sullissisut pigissavavut. Tamanna ilinniartitsinikkut, piginnaasanik inerisaanikkut pitsaasumillu sullissinikkut angussavarput. Siullertut kommunimi sulisut piginnaasaanik nagittumik misissuinissaq suliarineqassaaq, taamaalilluni sulisut tamarmik piginnaasaat pitsaanerpaamik atorluarneqarsinnaalissapput. "Pitsaasumik ileqqorissaarluni aqutsinerup" tunngavilissavaa Kommune Qeqertalimmi innuttaasut sulisunik pitsaasumik sullinneqartutut misigilernissaat. Taamaattumik sullissinermi pisinnaatitsisutit pilersaarutillu naapertorlugu kommunip suliaasaanik pitsaasumik suliaqartoqarsimanersoq isorinnilluni pilersaarut kommunalbestyrelsimiit misissorneqartassaaq. Qaqugukkut allaffissortoqarpallaartarpa aamma qaqugukkut allaffissorneq eqaallisarneqarsinnaava? Pisariaqartitsinerup misissorneqarnera aamma suliamik aqqiissut kommunimi ataatsimiisitalianut kommunalbestyrelsimi ilaasortanik saqqummiunneqartassaaq. Kommunimi innuttaasut kommunimi sulisut partiinut arlaannaanulluunniit atanngitsutut isigalugit tatigisinnaassavaat aamma malittarisassat maleruagassallu atuuttut malillugit sullinneqarnissartik tutsuiginartutut isigisariaqarpaat. Taamaattumik sulisut inerisarneqarnerini sulisutut inissisimaffii pingaernerutinneqassapput.

Inuit ataasiakkaat sunniuteqarlutik peqataasinneqarnerat

Suliffeqarfiup aqqiussuusaanera aqutugalugu Kommune Qeqertaliup najukkami sullissinermut akisussaaqataatsineq atulerpaa. Pisarialimmik sullissinerup ataatsimoorussamik paasineqarnissaa kommunip massakkut suliaralugu aallartippaa; kommunimi tunngaviumik ilinniarsimassuseq pillugu INUA-nit ilitsersuut pitsaanerusoq ilusilersorneqarpoq. Kommunip sulinera paasiuminernerussaaq aamma innuttaasunik oqaloqateqarneq ataatsimiititaliani kommunalbestyrelsimilu ataatsimiinnernit pisariaqartitanik piumasaqaatinilluunniit, ilimagisanik imaluunniit pisariaqartitanik naammaginartumik tunniussissaaq imaluunniit naammassininnissaaq, ima; uppersaait isertuussaangitsut tamanut saqqummiuttarlugit. Suliat qanoq suliarineqartarnerinik takunnissinnaatitaaneq sulianik takuneqarsinnaaneritut aalajangerni tunngaviumissaaq. Taamaattumik kommunip sulineranik

paasiuminarsaaneq annerusumik suliarissavaa. Paasissutissanik ingerlatitseqqiisarnermik aaqqissusaaq aqcutigalugu attaveqartarnermik sulineq aamma nukittorsarneqassaaq. Atorfillit atorfitsik aallaavigalugu atornerluinnginnissaat, pissaanermik atornerluisoqannginnissaa aamma pisortat aningaasaataannik atornerluisoqassanngitsoq kommunalbestyrelsip kissaatigaa qulakkeerumallugulu.

Siusissukkut suliniuteqarneq

Meeqqat suli atualinngitsut immikkut ittumik nutaamik sammineqassapput. Atualernissamut piareersarneq meeqqerivimmiittarnerit pitsaanerusumik angusaqarfiusinnaaneri misilliisoqassaaq aamma nuna tamakkerlugu nerisaqarnermut siunnersuutit Inuuneritta III-miittut atuutilersinneqarnissaat suliniutaassaaq kiisalu meeraq peqqissoq anguniarlugu kommunimi nerisaqarneq pillugu politikki suliarineqassapput. Inuuneq pitsaanerpaamik aallartissinnaajumallugu najukkami ernisussiortoqalernissaanik / najukkami ernisarfeqalernissaanik sulineq peqqinnissaqarfik suleqatigalugu nangikkusupparput, taamaalilluni ilumiuunermiit tapersorneqarnissaaq anguneqarsinnaalissammat. Ilaqutariit inooriaasiannik kingornutakkat allanngortinnissaanik sulineq suliaqarfiit Inuit aamma Timi Tarnilu iluini suliaqarfiit tamarmik suleqatigiinnerisigut nukittorsarneqassaaq. Meeqqat inuusuttullu alliarturnermi pitsaasunik aamma sinaakkuteqartinneqassapput, ingammik atukkamikkut ilungersunartumi inissisimagunik. Siusissukkut suliniuteqarneq aamma aaqqissuusaaqumik ajornartorsiutaasartut sorlaannik misissuinerit aqcutigalugit suliaqarfinni sulisoqassaaq, pitsaasumik suliniuteqarnerit aallartinneqassapput, akuttunngitsumik malinnaalluni sulisoqartassaaq aamma meeraq, inuusuttoq ilaqutariillu suliap ingerlanerani qanimut suleqatigineqassapput. Isumaginninnermut aqutsisoqarfiup kommuninut neqeroorutai aaqqissuusaaqumik iluarsartuunneqassapput Kommune Qeqertalimmi neqeroorutit pitsaanerpaamik atorneqarsinnaasunngortillugit.

Meeqqat atuarfiat nukittorsarneqassaaq

Meeqqat atuarfiat pillugu ukiuni tulluittuni tallimani siunniunneqartoq "Siunnerfik" nageqqissallugu sulissutigineqarnissaa isumaqatigiissutigineqarpoq.

Utoqqarnut politikki

Kommunimi utoqqaat tusarniaaffigineqarnissaat sulissutigineqassaaq aamma taakkua kissaataat utoqqarnut politikki ilaatinneqassapput. Qeqertarsuarmi utoqqaat illuata utoqqaat paaqqutarineqarnissaminnik pisariaqartitsinngitsut najugaqatigiiffiat misileraatigaa aamma utoqqaat angerlarsimaffiminni kisimiillutik najugaqarusunngitsut ajunngitsumik neqeroorfigineqarnissaminnut piariarfissaat nalunaarusiarisarpaat. Utoqqaat ataatsimoorussamik najugaqateqarfeqarusunnertik, angerlarsimaffimmi ikiorteqarnerup eqaallisarneqarnissaa imaluunniit allatigut tapersersortilluni ikiorneqarsinnaaneri pisariaqartillugit oqaatigisartagaat misissorneqassapput. Neqeroorummut utoqqaat namminneq soqutiginninnerminnik tunngavilersuutaat kommunimi utoqqarnut politikkip ineriartorteqqinneqarnissaannut tunngaviussapput.

Innarluutillit

Inuit innarluutillit ilinniartitaanerisa suliffeqartitaanerisalu periarfissagissaarnerulernissaat suliffeqarfiit qanimut suleqatigalugit periarfissat pitsangorsarneqassapput.

Inuit innarluutillit najugaqatigiiffii inuit innarluutillit pisariaqartitaannut pisinnaatitaaffiinullu naapertuuttumik aaqqissuunneqassapput.

Inuit ersinngitsumik innarluutillit tarnimikkullu nappaatillit eqqumaffigineqarnerat sullinneqarnerallu pitsaanerusoq anguniarneqassaaq.

Tarnimikkut innarluutillit isumagineqarnerat peqqinnissaqarfik qanimut suleqatigalugu pitsangorsaavigineqarnerat sulissutigineqassooq.

Inuussutissarsiutinik ineriartortitsineq

Kommunimi inuussutissarsiortunut inussiarnernerup qulaajarneqarnerani Business Council sutigut tamatigut suleqatigalugu pissaaq. Inuussutissarsiortunik soqutiginnittut pingaarnerpaat peqatigalugit aamma attaveqartarfiit ataatsimiisinnegartarneri atorlugit aallarnissaaniarnermi suut unammillernartuunersut aamma namminersorlutik inuussutissarsiortutut suliniarnerit qulaajarneqassapput. Inerisaanermut tunisassiornermullu akornutaasartooq tassaavoq pitsaasumik sulisinnaassusillit amigaataaneri aamma taakkua misissorneqassapput sulisinnaasut kajungilersinniarlugit. Immikkoortortat pillugit pilersaarutit pitsaaneruseqarnerit takussutissiaralugit aamma saqqummiussisoqartassaaq. Taakkua tunngavigalugit kommunimi sanaartorfigissaanerit siunissaq ungasinnerusoq eqqarsaatigalugu suliarineqassapput. Immikkoortortat pillugit pilersaarutit takussutissiarataasa katitigaaneri eriagisassatut naleqartillugit aamma tunngavigineqassapput, taakkualu takornarissat kissaataannik tunngaveqassallutik.

Piniarneq aalisarnerlu

Nalitsinni aalisartuuneq piniartuunerlu inuussutissarsiutaavoq pingaarutilik aammali kulturitsinnut toqqammaviliisuvoq. Tamanna toqqammavigalugu aalisarnikkut piniarnikkullu atugassarisisitaasut Kommune Qeqertalimmi pitsaasuunissaat sulissutigissuarput umiatsivileriveqaranikkut, amusiveqarnikkut, neqitsersuisarfeqarnikkullu illoqarinni nunaqarfittatsinnilu tulleriaraluta pitsangorsaassugut. kulturitta ataannarnissaanik qulakkeerinnittumik piffinni piniarnikkut inuussutissarsiuteqarfiusuni nalitta pissarisitaanik imminut pilersornermi periarfissarisitaasut pitsangorsassavagut kalaaliminernik tuniaffiusinnaasut pitsangorsarnerisigut. Imminut pilersorneq siunertaralugu piniartut pisaasa pisortat suliffeqarfiini atorluarneqarnerunissaat siunertaralugu suliaqartoqassaaq. Puitsit amiisa tunisaanerisa annertusarnissaat siunertaralugu ameerniartarnermi malitassat nalilersorneqassasut Naalackersuisooqatigiit qanimut suleqatigalugit.

Qimmeq qimuttoqarfimmiuuneq pingaartinneqassaaq – ileqqoreqqusat, illoqarfiup iluani qimussit aqqutaasa nalunaasorneqarneri, qimmiliviit nakkutiguminarsarneri, imiisiviillu pilersinneqarneri aqqutigalugit

Kikkut tamarmik toqqissisimanartumik angerlarsimaffeqarnissamik pisinnaatitaffeqarnerat pitsangorsarneqassaaq


Kommune Qeqertalimmi inuttaasut toqqissisimanartumik angerlarsimaffeqarnissamik pisinnaatitaaffiat pitsangorsartuarneqassaaq, siunissani illuliarineqartartut tamarmik ineriartornermut atugarissarnermullu naleqquttunik atortorissaarfiussasut pingartilugit ineriartortitsineq ingerlatissavarput. Kommune Qeqertalimmi eqqakkanut annanullu kuuffilersuinissamik siunniussa q ersarissarlugu pilersaaruserfigineqassooq.

Sisoraaserluni majuartaat

Qeqertarsuarmi sisoraaserluni majuartaat misissorneqassaaq, makkua qulaajarniarlugit: sisoraaserluni majuartaat massakkutut isikkoqarluni naammassillugu suliarineqarsinnaava imaluunniit periarfissat allat aningaasaliiffineqassappat? Qeqertarsuup takornariaqarnermik siuarsaaniarluni suliniutai tapersorsorniarlugit Qaasuitsup Kommunianit ullumikkumut pisiarisimasai tamaasa qulaajartariaqarpavut aamma qulaajaaneq aalajangiisussanut saqqummiuttariaqarpavut.

Kommune Qeqertalimmi kommunalbestyrelse-mi ilaasortat Partiit gruppiisa siulittaasui:

Inuit Ataqtigiit:


Frantz Lundblad

Siumut:


Aqqa Samuelsen

Demokraatit:


Simigaq Heilmann

Atassut:


Naja Kristensen

Ane Hansen

Ole I. Frederiksen

Kristian Jeremiassen

Enok Sandgreen

Klaus Lundblad

Nikkulaat Jeremiassen

Hans Aronsen

Karl Thue Nathanielsen

Niels Kristensen

Marianne S. Larsen

Bia A. Broberg